

三輔決錄
錢塘先賢傳贊



錢塘先賢傳贊

袁詒撰

中華書局

叢書集成初編

三 輔 決 錄（及其他一種）

中 華 書 局 出 版 發 行

（北京王府井大街三十二號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

開 本：七 八 七 乘 一 〇 九 二 毫 米 三 二 分 之 一

統 一 書 號：ISBN7-101-00894-1/K·367

四庫全書提要

臣等謹案錢塘先賢傳贊一卷。宋袁詒撰。詒字彥純。慶元人。嘗知臨安府。請於朝。建許由以下三十九人之祠。而各爲之傳贊。事在寶慶四年。至景定五年甲子而祠毀。至正二年。有呂淵者。復其祠。重醵傳贊。後二年丙戌。浙江等處儒學提舉班志序而行之。是編猶元時舊刻。所紀錄者雖止及一鄉之耆舊。其中郎簡、謝絳等十餘人。亦俱見於正史。然是書爲宋人所撰。又在元人修史之前。於事實多所綜覈。如東都事略。謝絳傳。稱陽夏人。是書稱富陽人。考宋史本傳。謂其先陽夏人。祖懿文。爲杭州鹽官令。葬富陽。遂爲富陽人。則是書較爲得實。又錢藻改翰林侍讀學士。知濟官東院卒。神宗知其貧。特賻錢五十萬。贈太中大夫。而東都事略藻本傳不載。又錢總傳贊載王安石許用以御史。總辭謝。安石知不附己。命權鹽鐵判官。又載奉使高麗。却島主金銀器事。而東都事略總本傳不載。凡此多得之故老流傳。頗爲詳贍。修正史者。因採以入傳。故與宋史頗相脗合。傳贊亦古雅可誦。固非後來地志家夸飾附會之比也。乾隆五十一年四月恭校上。

總纂官 **臣**紀昀

臣陸錫熊
臣孫士滋

續增先賢傳後
提錄

二

總校官
陸費輝

錢塘先賢傳贊序

粵自寶慶丙戌歲杭牧袁公韶輯許箕公以下三十有九人請於朝以官鑲舊其地若干祠於南山少北新堤之上樹碣以代其綰像且爲之繫贊又徙其觀宇曰旌德者隅其旁以奉之甲子適周據有其觀宇者定香繙流也且毀其祠悉佃其祠地并仆其碣貨於揜坎者然湖山雖在而頽基遺址竟蕪於荒草野田至樵兒牧豎亦能指其彷彿而惻然大夫士過而覽之者此心其有不靈傷者乎亦未知曷日可復其舊觀得慰其高山景行之思也良士呂淵且念皇朝通制內一款前代名人遺迹不許拆毀事敬恭佩服久矣復徵諸圖志其盛迹有不可鬱堙者先捐己帑葺修其寺廡至正二年以所置膏腴田五畝爲本寺常業代佃其故祠地聞之於有司每歲倍其官租錢以五十緡輸之於是盡瘁經營堂宇廊廡悉循舊制非利祿計非子孫謀也觀者爲之歎息蓋重其成功之不易易也吁昔寶慶之刱此也以其德行可師節概可法功業可尙至內而女師亦可歸其軌範於名教不爲小補使感於心者得之於目焉今呂氏以嚮者得之於目至於老而不忘於心仍以三十九人繫贊錢諸梓非徒爲士民觀游之具且使其心抑有所感慕於無窮然人心天理人所具有吾不知昔之毀壞者爲何心也雖然刱之者有司也復之者呂氏也然其事之昔今孰難孰易昭然不可誣呂不唯此也外置其山地一十五頃歲時以供祀享故祠田畝爲羽流蔽匿亦且經理而復其固有焉余因其復得舊圖本而重刊其事輒序其始末於前序之後庶來者

劉潛齋先生集 序

知有所考云。時至正丙戌上巳日。奉殿大夫江浙等處儒學提舉班惟忠謹識。

錢塘先賢傳贊

宋 袁 詒 撰

陶唐許箕公

公字仲武，諱由，隱於箕山，師於鬻缺，堯知其賢，遜以帝位，公聞之，乃臨河洗耳。每飲無桮器，以手捧水，或遺一瓢，得以操飲，飲訖，挂木上，風吹歷歷有聲，公以爲煩，去之。死後，堯諡曰箕公。按樂史寰宇記：杭州盤隱山，公嘗隱於此，入山忘歸，因名曰稽留山。今中天竺左山是也。昌化縣西北六十里，有千頃山，父老亦相傳云：公故居縣境，又有溪名洗耳灘。事見莊子疏，并通贊曰。

一身遺廬，萬物土苴，黃屋垂裳，何有於我。
洗耳之泉，晝夜不舍，稽留之山，可眇天下。

漢嚴先生

先生字子陵，諱光，一諱遵，少有高名，與光武同遊學，及光武卽位，先生乃變名姓隱，帝思其賢，物色訪之。齊國貢有男子，披羊裘釣澤中，帝疑乃備安車玄纁，遣使聘之，三反而後至，車駕幸其館，臥不起，帝卽其臥所，撫其腹曰：咄咄子陵，不可相助爲理邪？先生良久熟視曰：昔唐堯著德，巢父洗耳，士固有志，何至相迫乎？帝歎息而去，復引入論道舊故，因共偃臥，以足加帝腹，明日太史奏客星犯御座，帝笑曰：朕故人嚴

子陵共臥耳，除爲諫議大夫，不屈，乃耕於富春山。

富春，今爲富陽縣。

後人名其釣處爲嚴陵灘。年八十，終於家。

見事

後漢書。贊曰：

甄殷陶周，起渭去莘，先生奚爲，畢世隱淪。

西都之季，氣節不伸，以此助理，匪絮其身。

吳將軍凌公

將軍字公績，諱統，餘杭人。孫權征江夏時，呂蒙敗其水軍，而將軍爲前鋒，先薄其城，於是大獲。權以爲承烈都尉，與周瑜等拒破曹操於烏林。雖在軍旅，親賢接士，輕財重義，有國士之風。從往合肥，時權徵軍，魏將張遼等奄至，將軍率親近三百人陷圍，扶扞權出，敵已毀橋，橋之屬者兩板，復還戰，左右盡死，身被創，度權已免，乃還。痛親近無反者，悲不自勝，權引袂拭之，謂曰：公績亡者已矣，苟使卿在，何患無人？拜偏將軍，病卒。權聞之，拊牀流涕，使張承爲作銘誄，二子年數歲，權養於宮，客進見，呼示之曰：此吾虎子也。

事見三國

贊曰：

蜺視曹瞞，霆掃蜂蟬，翼蔽仲謀，脫危虎尾。

忠不顧身，有翼無二，豈曰兵家，爲古國士。

晉文正范先生

先生字子安，諱平，錢塘人。研覽墳索，徧該百氏。姚信、賀邵之徒，皆從受業。吳時舉茂才，累遷臨海太守，政

有異能。孫皓初，謝病還家。崇悅儒學，吳平，太康中，頻召不起。年六十九卒。有詔追贈文正先生，贊循勸碑紀其德行。事見晉書 贊曰：

涵古茹今，

殫見洽聞，

津航學海，

從者如雲，

周粟雖甘，

其忍去殷，

文正之懿，

汗簡流芬，

晉中尉褚公

公字季雅，諱陶，錢塘人。少而聰慧，清談閒默，以墳典自娛。年十三，作鷗鳥、水禮二賦，見者奇之。嘗謂所親曰：聖賢備在黃卷中，捨此何求？州郡辟不就。吳平，召補尚書郎。張華見之，謂陸機曰：君兄弟龍躍雲津，願彥先鳳鳴朝陽，謂東南之寶已盡，不意復見褚生。機曰：公但未覩不鳴不躍者耳。華曰：故知延門之德不孤，川嶽之寶不匱矣。遷九真太守，轉中尉卒。事見晉書 贊曰：

龍躍鳳鳴，

人物之盛，

雖有他樂，

亦不敢請，

晚覲清姿，

默然興敬，

吾善者機，

心會神領，

晉孫先生

先生字文度，諱昇，富春人。恭孝清約，學識有理義。每獨處幽閑之中，容止瞻望，未嘗傾邪。躬親隴畝，誦詠不廢，欣然獨得。父起居嘗饌，不離左右。富春道經江川，父難於風波，每乘籃輿，躬自扶持。兄嘗篤疾，經年躬侍藥石，同人之善，欣若有得。聞人之惡，慘若有失。見人飢寒，竝周贍之。寒同衾，食同器。年饑，人有刈

其稱者先生自刈送與鄉鄰戲執司空何充檄爲揚州主簿司徒蔡謨辟爲掾屬並不就卒年三十八朝野嗟痛之事見贊曰

造物與游 盡性窮理 閭室不欺 佩仁服義

禹稷同道 飢溺猶己 天嗇其年 如顏之死

宋龍驤行軍下壯侯

侯史逸其字諱天與餘杭人善射容貌嚴毅文帝使教皇子射元嘉中爲廣威將軍領左細仗元凶劭入弑事變倉卒舊將羅訓徐牢皆望風屈謝侯不暇被甲執刀持弓疾呼左右出戰徐牢曰殿下入汝欲何爲侯罵曰只汝是賊手射助於東堂幾中逆徒擊之臂斷乃見殺孝武卽位贈龍驤行軍益州刺史諡曰壯侯事見南贊曰

惟節興道 天下大閑 杲杲龍驤 爲人所難

死輕鴻毛 名重泰山 兇徒逆憐 胡不厚顏

宋范先生

先生史逸其字諱叔孫錢塘人少而仁厚周窮濟急里人疾病必躬往卹療或貧無藥餌饋粥資皆給之不吝所獲全活者甚衆歲饑民多疫里有父母兄弟同時死者數家喪屍經日不收親鄰畏避莫敢營視先生悉備棺槨親往殯瘞鄉曲貴其義行莫有呼其名者宋孝武孝建初除竟陵王國中軍不就卒事見南史

贊曰。

世降俗漓，貨力爲己，鄰有急難，睨而不視。
溫溫德人，藥疾樸死，榆陰孟亭，必恭敬止。

齊褚先生

先生字元璩，諱伯玉，錢塘人。少有隱操，寡嗜欲。年十八，父爲之婚，婦入前門，先生從後門出，遂往剡，居瀑布山，性耐寒暑，三十餘年，隔絕人物。王僧達爲吳郡，堅禮致之，至郡信宿，交數言而退。宋散騎常侍樂詢行風俗，表薦之，召聘本州議曹從事，不就。齊太祖卽位，手詔吳會二郡以禮遣，辭以疾，敕於剡中白石山立太平館居之。卒年八十六。事見北史。贊曰。

瀑布長虹，難比其潔，剡山白石，莫抗其節。
蒲壁空還，不受羈縲，館巖之阿，太平日月。

齊顧先生

先生字景怡，一字元平，諱歡，鹽官人。家貧，鄉中有學舍，無以受業，於舍壁後倚聽，無遺忘者。夕則然松節讀書，或然糠白照，及晨，篤志不倦。母亡，水漿不入口六七日，遂隱不仕。於剡天台山開館聚徒，受業者常百人。讀詩至哀哀父母，輒執書慟泣。受學者廢蓼莪篇，齊高帝輔政，辟爲揚州主簿，及踐阼，乃至，稱山谷臣，進政綱一卷，優詔稱美，東歸，賜麀尾琴。永明元年，召爲太學博士，不起。卒於剡山。事見南史。贊曰。

寒松怪節，殘膏腹笥，
蓼莪廢詩，晉哀是似。
山谷諫編，蛛網金匱，
南風帝琴，草堂流水。

齊杜先生

先生字景齊，諱京產，錢塘人。少恬靜，閉意榮宦，專脩黃老。郡命主簿，州辟從事，稱疾去。孔珪、陸澄、沈約表薦之，以奉朝請召，不至。於會稽雲門山聚徒教授。建武中，召爲員外散騎侍郎。先生曰：「莊生持釣，豈爲白璧所回？辭疾不就卒。」子諱棲，字孟山，刺史齊豫章王嶷辟議曹從事，以父老歸養。父亡，水漿不入口七日，晨夜不能哭，朔望節歲，絕而復續，嘔血數升。至祥禪暮春，夢見其父，慟而絕。事見南史贊曰：

軒冕市朝，醴雞舞甕，肥遯丘園，道義爲重。

子亦謝官，菽水歸奉，橋梓俱零，死生同夢。

梁太中大夫范公

公字子元，一字穎彥，諱述曾，錢塘人。幼好學，從餘杭呂道惠受五經。道惠曰：「此子必爲王者師。」齊高帝引爲文惠太子師友，遷太子步兵校尉，公爲人審諤，在官多所諫爭。太子左衛率沈約以方汲黯，明帝卽位，爲永嘉太守，爲政清平，不尙威猛，毗俗便之。勵志清白，不受饋遺。明帝下詔褒美，召爲游擊將軍，都送故舊錢二十餘萬，一無所受。唯得白桐木火籠朴十餘枚而已。公生平奉祿，皆以分施。及老，壁立無資。梁時爲太中大夫卒。事見南史贊曰：

帝師之學。惜不逢時。諄諄忠諫。汲直之遺。
秩二千石。秋毫無私。家徒壁立。萬古清規。

梁范先生

先生字伯珪。一字長玉。諱元瑛。錢塘人。父死。方童穉。哀慕盡禮。及長。好學。博通經史。然謙敬不以所長驕人。祖母患癰。常自含吮。與人言。常恐傷物。居家不出城市。雖獨居如對賓客。家貧。以園蔬爲樂。嘗出行。見人盜其菰。遽退走。母問盜者爲誰。答曰。向所以退。畏其愧恥。今啓其名。願不泄也。或有涉清盜筍者。因伐木爲橋以度之。盜大慙。一鄉無復草竊。齊建武召爲曹武參軍。梁天監九年。揚州刺史臨川王宏辟命。皆不至。卒於家。事見南史。贊曰。

抱甕生涯。山澤臞儒。匿瑕之德。熏浹里閭。
跨齊歷梁。蕭然隱居。孰云好爵。不如園蔬。

梁記室褚公

公史逸其字。諱脩。錢塘人。父仲都。善周易。爲當時之冠。梁天監中。歷五經博士。武陵王紀爲揚州。引爲宣惠參軍。兼記室。公少傳父業。性至孝。父喪。毀瘠過禮。及丁母憂。水漿不入口二十三日。每號慟輒嘔血。遂以毀卒。事見南史。贊曰。

隨探義文。學鄙欽向。孝通於天。曰嚴與敬。

溢米廢渣。苦廬滅性。超絕古今。冠冕百行。

唐太常卿褚康公

公字希明。諱亮。錢塘人。少警敏。博覽圖史。一經目輒誌於心。太宗爲秦王時。授王府文學。高祖獵。親格虎。懇愾致諫。王每征伐。公在中軍。有裨輔之益。貞觀中。累遷散騎常侍。封陽翟侯。卒年八十八。贈太常卿。諡曰康。陪葬昭陵。初。太宗爲天策上將軍。寇亂稍平。乃作文學館。收聘賢才。訪以政事。討論墳籍。於是公與杜如晦。房元齡等咸在選。號十八學士。命圖其像。使公爲之贊。天下慕向。謂之登瀛州。事見唐書贊曰。

潛龍將翔。霖雨先集。貂珥蟬聯。康濟鴻業。鳩杖之歸。遺恨黃閣。蒼梧白楊。始終遇合。

唐太尉褚公

公字登善。諱遂良。康公子。太宗將有事泰山。公諫。詔罷封禪。遷諫議大夫。兼知起居事。帝欲自討遼東。公固勸無行。帝寢疾。召公曰。漢武帝寄霍光。劉備託諸葛亮。朕今以太子委卿矣。高宗卽位。拜右僕射。帝將后武昭儀。公入諫曰。先帝疾。嘗語臣。我兒與婦今付卿。德曾在陛下耳。可遽忘之。皇后無過不可廢。且昭儀昔事先帝。身接帷第。今后之奈天下耳目何。因致笏殿階。叩頭流血曰。還陛下此笏。乞歸田里。帝大怒。左遷潭州都督。貶愛州刺史。卒。德宗追贈太尉。事見唐書贊曰。

受遣老臣。立朝孤忠。事有至難。遠恤我躬。

逐魄湘水。胎禍漢宮。委階之笏。光摩蒼穹。

唐禮部尚書褚文公

公字宏度。諱無量。鹽官人。刻意墳典。尤精禮。司馬史記。擢第除國子博士。中宗將南郊。祝欽明。建言皇后爲亞獻。公固爭。以爲郊祀國大事。折衷莫如周禮。后不應助祭。惟漢有天地合祭。皇后參享事。未代黷神。事不經見。不可爲法。左遷散騎常侍。母喪。廬墓左。鹿犯所植松柏。公號訴曰。山林不乏。忍犯吾宰木邪。自是羣鹿不復根觸。公爲終身不御其肉。喪除復故官。帝將幸東都。而太廟壞。姚崇言。廟本苻堅故殿。不宜罷行。公鄙其言。乃上疏諫。以爲不足聽。卒贈禮部尚書。諡曰文。事見唐書。贊曰。

發揮聖真。經緯邦國。端憂言歸。廬在空谷。

松柏滋榮。麀鹿攸伏。惟孝惟忠。其人如玉。

唐荊州大都督許公

公史逸其字。諱遠。新城人。寬厚長者。明吏治。祿山反。或薦於玄宗。拜睢陽太守。張巡拔衆至睢陽。與公合。祿山死。慶緒遣尹子琦將勁兵十餘萬攻睢陽。公自以材不及巡。請裒軍事而居其下。專治軍糧。戰具。子琦敗。詔拜侍御史。子琦復圍城。公與巡親鼓之。賊潰。追北數十里。七月。賊復圍城。城中食盡。士多餓死。巡殺愛妾。公亦殺奴僮以哺卒。至羅雀掘鼠。煮鈔甲以食。賊知外援絕。圍益急。十月。城陷。公與巡俱死。初。子琦譏生致一人慶緒所。乃送公洛陽。至假師不屈死。詔贈荊州大都督。立廟睢陽。歲時致祭。大中時。圖像

凌煙閣今新縣名忠烈祠贊曰

氣吞杭輦，屈事愾張，鯁賊咬牙，爲國金湯。

壯哉義士，魂兮故鄉，名存忠烈，廟食相望。

唐章先生

先生史逸其字，諱成，稱於潛人。貞元八年喪母，廬於墓側，手植松柏，十五年，墳側生紫芝十三莖，烏鵲來巢，麋鹿共處。長吏以聞，十七年四月，敕旌表門閭，賜粟帛。州縣存問，復賦稅，按唐書孝友傳序，唐二百八十八年，天下以孝悌名通朝廷者，凡一百五十有八，皆得書於史官，內餘杭郡居者三人。先生與何公，方公是也。何公諱公弁，方公諱宗，史皆稱事親居喪著至行，事實無考，今附見於此云。贊曰：

終唐之世，垂三百年，於杭大州，得三人焉。

孝通神明，維德之金，殺青闕文，我永其傳。

後梁吳越王武肅錢公

武肅字具美，諱鏐，臨安人。幼時與羣兒戲大木下，指麾號令，皆有法。羣兒憚之，及壯，善射，與梁黃巢掠浙東，武肅出奇兵邀擊，巢不敢犯。臨安劉漢宏遣弟漢宥屯西陵，武肅率十八都兵斫其營，又與漢宏遇戰，大敗之，遂破越州。董昌反，武肅遣顧全武攻昌，執昌歸杭州。昭宗拜爲鎮海鎮東軍節度使，加檢校太尉中書令，賜鐵券，詔圖形凌煙閣。武肅游衣錦城寔故老，山林皆覆以錦，梁太祖卽位，封吳越王，游衣錦軍。